

是程堂集

是程堂集卷第三

錢塘屠倬 孟昭

雨中移竹山庵奚丈鐵生爲題小檀欒室作詩紀之

脩脩鸞皇尾戛戛琴筑聲湘雲湘水夢不到三竿兩竿  
殊有情種花宜一春種竹宜四時古人暫住亦種此風  
流雅說王徽之庵前庵後亦有竹秋聲如濤壓茅屋庵  
中卻無此段奇老禪不參玉版師呼僮荷長鑱移植窗  
几側編籬不許高要放新梢出主人落落不閉關有客  
但來仍借看似愛此君好名字錯刀寫出青琅玕主人  
不飲客獨醉蘆簾蕭蕭月光碎豈知一夜雨點麤不聽

身卷堂集三  
龍吟背燈睡

秋夜聞潮

獨臥江城秋思哀  
寒潮拍枕浪花回  
中宵風雨將愁到  
舉世浮沈入夢來  
白馬豈朝句踐土  
青山長護子陵臺  
傳聞海上鯨鯢縛  
從此閒鷗任溯洄

山中曉起大霧

峰巒鬱鬱不開濛  
濛四山白深林皆冒絮  
磴道失咫尺欲窮登眺  
奇厓滑強捫陟不覺衣裳濡  
漸喜闔闔開城市忽浮動  
萬井如列舶江流接混茫  
水天浩無極却從雲際望  
朝光漏餘隙崇樓隱山坳  
中只一林隔何來一仙人  
倒控蒼龍脊顧我弄狡獪  
金丸試一擲剗然作霖雨

蒸淫滲餘滴雲氣破塊北對面露深碧山靈睨我笑嵐  
容無定色恐有元豹藏窈窕尋不得

登大洞經閣

出門不百步路轉已三折信足隨所宜迂徑未爲拙病  
樹老葉黃夾澗細流活日或一再至妙境倘能說官觀  
開玲瓏峰巒趁凹凸崇墉左涵湖江流右控浙其南規  
曲池穿戶如剖玦窗高亦受雲盪漾出崇岳況此西風  
深天高氣寥泐秋聲空際來海色寒更闊吾曹故秋士  
但覺秋興逸高唱發雲中獨鶴唳山缺

與家心梅夜話卽送歸澤泉兼示小湖

我家暨陽好山水複嶂層巒在屋裏移居飽看錢塘山

頗亦渡江能往還錢塘看山有徒侶西鄰小范劇豪舉  
甬江歸去招不得江心擊楫苦相憶此時相從日惟汝  
夜深月黑聽說虎腥風獵獵不見人山中習見虎亦馴  
我羈錢塘爾在越我思故園心兀兀耽遊爾我俱少年  
伏臘雞豚歲時闕今來錢塘勿肯住明朝送爾渡江去  
還須招得小范來同看錢塘山一回

秋蛩

秋蛩四山響如雨撲窗來微物仍時序斯人况草萊臥  
聽風葉下夢逐夜潮回一樣悲秋意誰知屈宋哀

吳興歸舟作

野水浩無際吳鄉落木初子城低抱柵亥市晚開漁舊

雨憐星散歸程逼歲除鄰翁具麕飯應爲翦寒蔬

渡江至西興飲朱上舍宅

片帆東指蕭然山秋色獨向雲門看路旁隻堠烟火靜  
村尾一舍菰蘆寒郎當老牯牽車過歷亂飢鴉踏葉殘  
招招何處喚舟子且盡先生苜蓿盤

還山陰草堂雜述八首

秋山瘦逾靚到眼青濛濛衝寒理歸櫂客夢家山通霞  
烘暮林豔烏踏秋烟空連蜷百二峰倒入青谿紅飲流  
下歸犢刈稻來山農田間有相識執手時一逢幸茲秋  
雨足各盼今年豐溫語無世情泥飲多素風

鬱律鷲峰寺犖确亂山曲徑僻樵響多時聞啄木啄我

來訪故人不厭數往復

沈君筠虛昆  
李讀書寺中

遙望秋林霽返照團

紫綠酒香初壓醅歲歉尚得肉堆牀百本書老我是亦

足我居清平山轉覺城市促羨君偕伯仲行歌互相續

老僧我故識可借一椽屋更約明年春還來留信宿

騎驢下前山躑躅行日暮寒風吹敝衣衰草沒行路望

望長松楸累累山下墓崇邱露華表惻愴念新故

寒林無冶情顏色雨中好鬱鬱烏桕樹蒼蒼雨中老延

賞眷林塘嫣紅破霜曉遶舍三百株窺牆乞鄰媪長竿

施鉤抉擷實墮林杪落葉如野雲空階積難掃

北風江上來寒燠變時候百蟲墜其垣一室暖可就窮

鄉績學少竊懼此邦陋勉哉力田科尚可百世守東家

有老生飯甑無饋餽白首欲焚硯太息計已謬吾徒開口笑但解飲醇酎日夕理故紙所得愧已厚篋中諛墓金請爲劉君壽欲語還主臣聊爲一樽侑

結交皆老輩酌我詎敢辭甕泥圻三白時復一過之得酒輒忘醉醉亦輒忘歸不知我何云強勉成一詩扶檐背可炙梅樹花未齊吾家有新釀作荅時亦宜平居苦多客無客復苦思聞聲蹙然喜走報翻恐遲里中二三子我行輒相隨倚壁賦石鼎勿爲彌明嗤

晚飯未及熟座客相引還茅簷墮新月散步尋荒園蔬菜三五稜修竹千百竿開徑闢新翠數折緣山巔驚鳥匝林莽寒犬號里門周覽可百里登陟亦頗便遂循西



岡下還復度南阡寒烟冒平野流水通原田不見清谿  
底正對屋後山

游目無淺心迎面多好山艤舟西郭門還上龍山巔昨  
日還鄉里兄弟紛我前今日城中去欲往難招延三農  
急井稅十月無餘閒我輩耽游食聽之心不安未能力  
稼穡終日抱陳編幸藉先人力飽此負郭田田荒在不  
治爲學豈不然蕭條臨北風坐起成感歎

連日欲歸錢塘爲風所阻

寒宵孤枕夢無多有客高吟莫渡河老樹呼風山亦響  
空江落木水增波定從鵲噪占歸日幸有梅花伴嘯歌  
草草殘年容易盡酒醒怕問夜如何

牛車謠

水流汨汨沙有聲牯牛駕車沙上行  
潮頭拍岸齧沙腹牛肥車重折車軸  
江心帆飽呼順風販夫踏浪水沒胷  
牛車獨輪行不速船頭白浪高似屋

梅史將歸海昌以詩來別奉荅一首

送君意無盡別我途匪遙嚴冬載雨雪  
歸夢心搖搖夫子性坦率于今文字豪  
我亦寡諧俗心折道誼交會合詎有定  
平生行久要胡爲飢寒迫蓬轉難見招  
天涯此踪跡行李風蕭蕭明年更何處  
念子心煩勞

齋居雜興十首

客有吟莊舄吾應號醉髡詩成雜嘲戲  
酒醒覺溫存馴

犬依人熟飢禽得食喧歲殘翻得暇深雪閉柴門

風急殘鐙炮簷虛落月低家貧憐客散婦病畏兒啼鄉  
曲餘恩怨天南正鼓鼙有情那遣此寧復歎卑棲

賤子慚家食諸君足宦遊時清成早達歲晏總離憂漫  
挾朱門瑟還披大澤裘誰如孔北海海內亦知劉

參差列梅竹選樹亦成園問字雜僮僕開樽延弟兄寒  
雲流淅淅落葉下翻翻卜夜休辭醉圍鑪火尚溫

却憶東陵叟

謂夢餘丈

投子越客吟髮從愁裏鑷病覺酒邊深

故紙名山業浮雲薄宦心頻年仍索米投老况抽簪

老屋鑑湖濱還家亦旅人依然舊門巷未可薄交親沈  
約今消瘦韓康自樂貧作詩憑寄與撲棗任西鄰

范子湖小亦歸去何時方到家無書傳海上有約待梅花

竹徑通潮溼漁船趁市譁相思那不劇風雪叫鷺鴛

蕭蕭立江岸策策響林柯野水寒更白老梅開不多風

雲昔懷抱天地此卷阿已覺中年近難爲獨漉歌

湖海襟期遠文章卓犖偏孟公真嶽嶽謂白雲先生查老自便

便謂梅史各有千秋在何妨並世傳正聲誰與作彈指澀

么絃

### 戲作三絕句

野闊天低雪四圍故人不來來亦稀莫道詩人無好語

酒錢不救萬人飢東坡詩歲惡詩人無好語

二十七種庾郎菜百五十文蘇老錢何必千金五花馬

呼兒換酒佐賓筵

陶公飲酒還止酒有客試言君試聽爲言種秫二頃半  
未許先生常獨醒

劉眉生同年

斯嶠

隨侍尊甫方伯歸南豐先一日

來別余病不能走送送之以詩兼呈令弟

斯增

握手已成別竟別覺不情相送徒區區不如送以心會  
合定有時誓不渝平生六翮安能齊飄忽萬里程願君  
或爲龍我亦如雲騰上下輒相逐踪跡異地并平生負  
意氣頗顧離合輕胡爲君告別乃使心魂驚道誼相切  
劇孰如君弟兄至性重感激離思日以增謹身事堂上  
進德期交朋根大末益茂努力思令名

卽事二首

頽雲遮斷夕陽邊老樹寒鴉噪雪天屋角家家收白菜  
故園風味又殘年

肺病經秋已漸蘇欸門時有酒人呼客來竟日無他供  
靠竹梅花種一株

歲暮撫事成言三首

朝出自郭門清涕落指冰暮出自郭門炊烟寒不興朝  
暮出郭門零落百喟增借問何所適行行詣親朋寒林  
凝白曉曠野盤蒼鷹局促歲云暮飢鳥啼可憎重門半  
蕭索屋脊縛枯藤主人久不歸門戶誰堪憑掩扉揖客  
入稚子髮髯鬢主人有健婦呼兒具肴蒸飽此有餘甘

飲酒吾不勝去去顧我僕撲面風有稜

歲晏風雪盛人事不可辭堂上安樂康僮僕媚我私及  
茲祭竈辰蜡飲兼請鄰廚中具梁肉聊復娛我親顧我  
亦何爲慷慨媿古人亦知范叔寒還念夷吾貧長嘯出  
門去窮巷飛車塵

囊橐日以盡還爲人乞憐叩門拙言辭始信古有然華  
屋高里門珍羞羅廣筵張鐙雜歌吹陳設一何鮮肅客  
盛威儀溫語相周旋爲陳客所苦重望主人賢主人故  
自賢意氣空拳拳揮手却辭去遇客大道邊何以還報  
客口澀足不前

蘇齋對雪用東坡聚星堂韻

刁刁調調響風葉三日愁雲釀成雪晚來雪意較更濃  
玉龍戰空勢橫絕小兒搏雪作玉戲手指凍皴骨欲折  
孤城不夜境亦幻一鐙長明照還滅檐頭已斷瓦溝水  
颯颯蘆簾北風掣坐愁客陰正用壯咳唾冰花已成纈  
殘年風物吾自足皤蒿作餅和麥屑團茶更須掃雪煮  
活火煎熬才一瞥麤人笑煞党家伎暖帳紅綃不須說  
蕭齋枯坐到三更消受寒衾冷如鐵

明日雪復作疊前韻

老梅著花不著葉詩人愛梅亦愛雪差我湧出米堆山  
平地驚看詫奇絕梅邊怪石八尺強竹外疎籬兩三折  
忍寒捉鼻耐飽看只恐朝陽乍消滅亟呼奴子抱甕來



大腹彭亨兩手掣林梢墜雪須滿貯醞面不致生醉纈  
却疑過午雪便止忽聽階前轉騷屑打窗急霰如撒沙  
驚起飢禽飛瞥瞥前年大雪屋壓倒閒與東鄰老翁說  
吾家老梅真倔强拗斷橫枝如拗鐵

雪霽與小湖積堂登吳山再疊前韻

江上春帆吹葉葉隔岸千峰萬峰雪吳山瘦削玉琢成  
泥深磴滑行人絕登高喜有故人約密字斜行四角折  
青天雲破日杲杲萬瓦魚鱗乍明滅枕山樓上酒可賒  
醉不成行肘如掣樓邊老樹凍不死未落瓊英尚留纈  
衝寒得酒神氣王四座清言霏玉屑江光入樓四壁動  
水甲雲衣想飄瞥此時真覺地天通好語爭聽市人說

今年三白書上瑞莫待警農還叩鐵

題吳衡皋

應奎

讀書樓遺集

竟爾窮愁死曾無半面交

庚申秋衡皋來杭過訪不遇明年春遂死

冷魂傷仄夢

歧路哭荒郊駿馬空留骨飢鷹未脫骸平生雪文字猶畏後生嘲

紀事四首

聞道捷書頻流傳喜是真軍聲肅全楚兵氣斷三秦野哭猶今日昌言賴近臣從來安撫易無奈是民貧

客有軍中至憂時話厥初轉輸風火急侵蝕甲兵虛法網偷梟獍奸回混吏胥罪言成杜牧感槩復何如

設險諸營合當關一騎單團兵召鄉里比屋獻壺餐邊

覺探丸易軍心裏革難

聖人知弊政

恩詔特從寬

皇心皆赤子羣醜敢欺天

至德原無累頑民自可憐格奸逢肆赦化俗重歸田封  
事傳中外盈朝想大賢

陪青湖夫子過萬峰山房訪心舟主人不值却寄  
昔年曾訪顛公去雪滿萬峰天色暮雙扉不閉客不來  
壓倒當門老梅樹顛公白眼不問客說我姓名應不識  
打開春甕且盡歡張口仰天聲格格甕頭酒盡我亦歸  
姓名曾不顛公知梅花開落凡五度每欲報公無好詩

公今不死亦不老但覺星星頭髮少去年還過抱山堂  
歡喜相逢各笑倒吾師杖履許我從探春曉趁南屏鐘  
重來山舫索公話但遇梅花不遇公梅花却似前度好  
想見顛公顛未了

春日懷人四首

聽鷓前度攜雙柑出自郭門從兩驂花事茫茫春九十  
酒徒落落落城西南豪情未減笑結習雅謔于今還戲諳  
一自汪倫零落後更無廣座接清譚

故友汪仲房秀才

九十九峰深處人去年歸去劇清貧曾無僕從壯行色  
祇有文章娛老親臣朔那堪邀斗粟士龍還喜托比鄰

謂陸少白素生

扁舟有約遲君到廡下何從寄此身

海昌查梅史上舍

歲晚龍山舊酒樓清樽談讌足風流翰君放達齊王令

遲我鶯花訪越州傾蓋便成文字飲經春重起別離愁

何當賀監湖邊宅一幃雲山捲幔收

山陰紀雪生茂才

風雪盱江去路漫行旌遙望楚雲端禁中已復聞蘇頲

江左重思起謝安

時尊南方伯引疾還里

太末三峰迎權返潯陽九

派入春寒到家約畧逢元夕好進辛盤侍晚餐

南豐劉眉生孝廉

卽席送陳步袁廣文之三衢朱雲閣孝廉之吳興

王雲榭進士之桐江潘吾亭孝廉之清江何雨

堂庶常還山陰周雨亭明府之豫章

祖帳星低絳蠟搖諸公袞袞此連鑣賦別東南各千里

催人風雨獨今宵吳雲楚樹家猶近檀板金樽酒易消

却恨周郎遲一顧曲終江上幾魂銷

是日雨  
亭不至

雪中得梅史書云僦居招賢寺作此招之

世無鄭子陽君真列禦寇潔已何硤硤逢人反貿貿入  
門各無恙感君雙鯉魚君言馮諼豈得已每食無魚出  
無車空山一鶴鳴聲哀望美人兮胡不來山中雨雪北  
風大吾家有薦爲君剡

梅史留宿動操山響樓夜話同作

春寒結微陰零雨懷中宵巷僻車馬稀夜靜風刁颺空  
山遺知音朱絃澀不調君來求其侶我亦呼其曹獨居  
良寡歡飲酒非徒豪張鎧命儔匹一歌還再謠叩角聊  
自羞執轡烏能驕伏如驥在閑縱念鷹解絛山中有嘉

樹鸞鳳或可招嗟哉稻粱謀勿爲斥鴳嘲

時約梅史同居拂塵庵

雲居山晚步次梅史韻

雲髻露雙丫仙源何處家夕陽花氣斂深樹寺門斜乳燕初營壘閒鷗戲浴沙六橋春不斷依舊綠陰遮

閨花朝同華春濤竹樓昆季郭頻伽何夢華徐西澗查梅史朱閑泉趙雪門范小湖及積堂集湖上分韻得中字

酒人偃蹇花力慵峭寒三日春陰中流鶯一聲報春曉湖雲作雨山夢夢去年花開我却病今年花開春再逢何郎折柬火急遞出門好踏春泥鬆酒徒十輩五輩從渴眼淨揩如發矇湖光倒入花影重繡奩曉揭雙青銅

夾船香霧春濛濛花枝低捎黃篾篷惜花心事人惺忪  
東風太酣雨絲急莫教翻浣春波紅我思天公亦有意  
故作幻態憐芳叢輕陰作幕爲花護却如琉璃一箔張  
屏風不然更惱狂生太憨縱春潮陡作馮夷宮烟痕撲  
水淡不見全身半掩青紗籠爲花解嘲酹花酒志士坎  
壈將母同噤痒且買玉壺醉料量莫放春陰空

孤鵠篇二章壽阮貞母作

有孤者鵠鳴聲悲三星爛爛照素帷東家芳樹摧連枝  
生不得相見守死將何爲青天高高墳土厚妾不遑死  
夫有母

有孤者鵠雲中翔羽毛潔白遙相望夕遊元圃朝搏桑



嬉隨金母瑤池旁生無故雄誰頡頏有雛有雛祝螺贏  
自天錫之壽純嘏

黃泥潭訪查伊璜先生宅和梅史

卜居端合近廉夫

地近楊鐵崖讀書處

避地翻憐史禍餘衛尉掌珠

終被奪奇章片石已成墟門人淚盡彈棋劫國士恩深  
薦鶚書太息江東佳子弟烏衣門巷問何如

題錢金粟廣文

林西窗話雨圖

行色寫征衫都門此駐驂池塘餘舊夢風雨劇深譚一  
笑愁難掃中宵酒正酣憐君好兄弟天北又天南  
春明門外柳離緒復如何鴻雁秋風急輪蹄宦跡多蠻  
雲關索嶺積雪大凌河聚首方今夕驪駒莫再歌

相逢猶逆旅，遠別况從前。萬里初歸客，驚心十四年。一  
鑑同布被，雙鬢認華顛。寫出鄉關思，披圖問阿連。圖爲  
令弟

叔美作

奚丈鐵生雲林圖爲胡封塘先生作，余得之市中，  
攜歸令嗣書農并媵以詩。

破空不見青山飛，怪底烟雲落懷袖。生平翰墨信有緣，  
不惜千緡市中購。攜歸展玩詫奇特，素壁高撐一峰黑。  
猩紅小印鈴紙尾，猶署當年老詩伯。君家故物還贈君，  
仇池往返徒紛紛。桓元廚中好藏弄，休教割裂西山雲。  
西山片雲不可割，松風蕭蕭松鬣脫。想見蒙翁興超忽，  
打開一石釭面春。寫出萬山流水活，我昔曾見雲林圖。

石田畫本世所無誰歟健者乃攫去寺門空鎖青山孤  
雲林寺舊藏沈石田所作圖後爲趙功十取去予于冬華庵曾見之今歸仁和孫氏此圖流傳近卅載墨瀋  
淋漓元氣在當時鬪酒復分牋尚記流年却書亥青山  
無靈畫有靈舊遊落落悲晨星卽看紙上秋風老何似  
冷泉亭外聽

寒雨

寒雨清明過浮雲江岸還炊烟不出屋春樹欲浮山古  
礎苔花澀生衣竹粉斑閒居聊作達蟲處酒人間

送春東積堂

子規聲裏去匆匆解得銷魂是落紅天意人情兩無賴  
落花風異釀花風

今朝冷眼看春去深巷無人載酒過君但能來同話雨  
恐君愁比落花多

晚眺

扁舟初卸落帆風獨立江亭指斷虹東面夕陽西面雨  
春陰只在半江中

嚴蕙樓

元照

屬余爲其姬人香修篆印并鐫此詩

于石

一角葫蘆宛轉絲生香名字鏡鸞知水晶宮裏嬰蘭婦  
押尾真成倒好嬉

題秋江載月圖

香修一名秋月祁門人幼媵於無錫嵇相國家

蕙楊娶於嵇乃謀諸中閨而牋合焉旣來歸屬  
余爲此圖而頻伽梅史竹樓積堂皆以詩紀之  
牽牛花底舊柴門笑指歸橈下若村雙影照來清似水  
一船涼月載黃昏

阮壽昌公子

長生

屬題游安瀾園圖

海門控龕赭孤城若抱甕魚鰕趁歸墟鶯花引飛鞋平  
泉舊草木松水夏幽弄盟雲屏車騎尋秋託吟諷披圖  
當臥遊遙情一帆送

題阮封沂聽烏圖

殘月墮江鄉西風板屋涼烏啼白楊樹樹樹有秋霜敲  
枕寒更盡聞鐘曙色蒼淚痕和楚水同是入淮長

唐人詠  
淚只應

同楚水長  
短入淮流

### 苦雨歎

四月上旬風雨惡長官祈年小民哭連年東南穀不熟  
雨暘失時異寒燠江郊蕭蕭伐苦竹壁根插籬障茅屋  
雨多屋漏濕牀褥夜半移牀不能宿西家老嫗瘦如鵠  
有兒不耕亦不牧腰下布裙劣滿幅蟣蝨蟲市中鬻  
百錢不繼一夕粥老嫗吞聲淚相續嗚呼老嫗吞聲淚  
相續我作短歌不能讀鼠子翻檠燈焰縮

城中富人夜張譙但道今年魚肉賤三更譙罷出城去  
醉跨驕驄疾如電道逢饑民走山谷聞說開賑下鄉縣  
富人行歌野人哭日晡一飯亦不足吏胥坐廩橫索值

糠粃五升雜斗穀黃昏歸來無道路濕薪不燃雨如注  
驚呼勘災迎縣官麥穗爛死官不看

拂塵庵古樸行

此庵未築此樹老況我又後三百年

庵建于明樹則南宋時物也

老僧不

識樹年紀約畧傳自德祐前隔城松柏龍山巔幾經劫  
火埋荒烟惟有此樸閱人代獨辭翦伐枝連蜷碧雲童  
童罩屋瓦白日科頭坐其下却羞大匠運斤手此樹終  
非忘世者前年七月三五夕疾風過江雨脚白精靈失  
守山谷崩怒折高柯碎磐石當頭忽掣電光落似有神  
龍半空擘山中老魅起力爭墜葉如雲掃無迹我時眼  
見三歎息百事高危總相逼

循浙西江岸諸山得詩三首

游蹤啓明發肩輿涉江汜江沙有漲落江路日三徙輿  
人踏波行沒胛不及髀側耳蒼崖過亂流已十里十里  
聞驚颺陡然礮雲起蚶螺天宇黑急雨灑寒葦雲陰割  
昏霾斜陽亂紅紫却望前峰西殘滴欲移晷南船如箭  
激風順各色喜吹吹舟人語喧笑舵樓底陸行涉風濤  
不及一飄駛較瘖憐僕夫蹢躅龜曳尾

白雲如水流一洗衆峰碧江水忽如雲又冒山之脊半  
日緣江行不知山徑窄九龍僵不動偃臥敲岸側欲束  
江流西橫作斷厓勒一龍忽掉尾百里曲不直轉與怒  
潮搏山腹穿左脇冥冥巖下雨森森沙上磧飛度固陵



城青蒼指歷歷

前年沂大江揚帆上臨浦嚴寒十月交山容失岵嶇嵐  
影壓蓬背已過百里許回望沙際烟暝色落寒瀨夾岸  
羣峰圍對面新月吐中流橫鐵篴吹浪老龍舞起視天  
茫茫雁聲寒曳觴瑟縮衣裳單風勁色不沮索火伸短  
紙構思無一語今晨挈同儕芒鞋踏江潯朝來爽氣多  
疊嶂紛可數作詩記前遊蒼茫會風雨

題余慈柏廣文

鐫

秋江獨釣圖

木落羣峰掃秋影夜半寒潮落孤艇江南風味話蓴鱸  
醉臥蘆花吹不醒轉篷颯拉秋有聲北風吹船南岸行  
欲拂珊瑚釣龍子出門一笑大江橫

用山谷句

題閉門却掃圖爲吳江郭丹叔作兼示令兄頻伽  
我本若耶溪上住溪邊老屋常閉關廿年已逐螻蟻徙  
此身甘老風塵間今年雨多船入市當門有竹水爛死  
展君此圖三歎息却與吾家舊相似平生結交輕凡流  
尋盟但狎沙邊鷗執巾未識郭有道賣藥空聞韓伯休  
君今誅茅鶴湖畔門前水深船泊岸子桑杜門偏嬾出  
只有酒徒隔鄰喚酒酣讀書興未闌憐君二陸成二難  
阿兄近亦厭奔走行當遞跡江湖寬江湖百里異鄉縣  
先尙圖中識君面古來文字信有緣他日天涯好相見

賽濤曲

并序

賽濤姓趙氏居杭之清平巷與其姊元夕踏鐙

遂相失去後其姊聲周子文入都道出山左相  
遇於臨清曲中沈氏并得其所爲懷鄉詩詰之  
得實乃投牒有司挈之歸其父母卽以賽濤歸  
周賽濤著有曲江鶯囀集事見列朝詩小傳而  
宮閨小名錄謂賽濤姓黎蓋因其母黎氏而誤  
也

芙蓉雙萼凌波出門巷清平誇第一傳聞飛燕啄倉琅  
女弟嬋娟總無匹新裝雅髻雙盤龍鬢鬢斜偎燭影紅  
碧玉由來小家女紅兒驚試妬花風風波此際愁難說  
買夜剛逢試鐙節捉鬚蠶蠶漏滴壺燎花星籥春迴雪  
踏鐙兒女上銅街錦水雙鴛比翼來離恨有天花作孽

驚鴻無路鳩爲媒翩翩小鳳尤嬌軟濯燕投竿試偷眼  
夜半潛來磨勒奴重門已奪歲蕤管冶曲翻成蝶戀花  
廝波年少競相誇歌場換得明珠去從此飄零誤狹邪  
狹邪羞唱臺城路那許千金輕一顧買笑應憐倚翠生  
翻身已作沾泥絮教坊此日擅聲名薄索梁州演曼聲  
蔡女胡笳十八拍當筵未敢訴分明妾家少小錢塘住  
陌上花開忍歸去此生拚老莫愁湖雙槳誰迎桃葉渡  
桃根桃葉鎖相憐天意教成骨肉緣東方千騎羅敷壻  
眞箇銷魂到枕邊乍逢已自憐嬌小秘辛私授風懷好  
軟紅滴淚鎖蓮昏嬌郎抱日癡雲繞繡奩暗展忽驚疑  
小字蠻箋證舊題歸妹自應成眷屬小姑原不隔青溪

不成歡笑翻愁絕絮語偷將臂痕嚙載得花船連理枝  
綰就蠻絃合歡結生憎浩劫付搏沙重泛西施出館娃  
阮郎竟返鮮卑婢俠客何煩古押衙年來底事拋紅豆  
紫薇花認柴門舊樂昌鏡許後來圓章臺柳比他年瘦  
深閨阿姊笑相呼我見猶憐況老奴輸與癡郎雙玉映  
大姨夫作小姨夫

種梅圖爲陳四別駕

景初作

爲君老筆寫橫斜曾否春風似若耶我近孤山林處士  
不須親手種梅花

碧雲樓歌爲吳更生

引年作

白龍騰子蒼龍嘯天上青山無客到青天蕩蕩雲亂飛

仙人朝遊夜不歸仙人非無家玉房石楡團紫霞却嫌  
山中不可以常住有時騎鶴偷喫東田花市中小兒太  
狡獪要看羣仙大遊戲蓬萊欲到無方舟十丈朱樓起  
平地非烟裊空金碧虛海中老蚌夜吐珠照徹玉宇黃  
金鋪倏焉睜瞠砰砰隱隱中排九楹羣靈頓轡受約束  
玉女揚袂而吹笙盼旭厯兮銳萃溯洪波兮難越巖之  
花兮嫣然激流泉兮梳石髮流泉倒決山中開隆隆哀  
壑屯狂雷碧雲化作萬頃水合沓羣仙歸去來

商薌亭

嘉言

以長歌見寄奉答一首

我未識君面而能讀君詩君詩不諧俗時復與古宜媚  
眉花肉李長吉青紅海蜃崔立之寒氈生蟲抱書讀殘

鐙焰盡忘昏眊君才於世不多見胡爲蘧屈不得伸踐  
踞吾曹托命在文字戈鋌自足張偏師陳生見我每說  
項所言始信非諛詞低頭我欲拜東野四座不敢振眼  
窺昨來西風振梧葉長歌寄我西湖湄獨披肝膈盛稱  
許走也自覺言之卑君不見咸池杳默繁響作獨鶴在  
野鳴且悲何當邂逅鑑湖上狂來一吐胸中奇鸞翔鳳  
舞作歌吹任爾長風天外吹

送雲臺夫子入覲

一輪卿月向丹墀熊軾朱轡耀路岐通國尚嫌趨

陞速

九重猶惜見公遲事須入告懷箴切

詔許重來相笏知身是千人門左列春風回首望台司  
戟門兩度降

溫綸一闕驪歌拜後塵祖道門生隨笠屐還朝太史候  
星辰孫宏置館徵名士崔帥留靴慰部民此去中朝三  
獨坐言歸還許吐車茵

石門舟次喜晤徐雪廬

熊飛

時雪廬將之杭州口

占爲別

艣搖帆駛不得語忽漫相逢在上流何似語兒溪上水  
送君今夜到杭州

書所見

傾脂河畔水盈盈愁水愁風泥客程才捲湘簾鐙又上



綠楊亭館未分明

過唐六如墓

絕代風流說此君墓門松柏一時新憑誰更訪要離塚  
荒草漫漫愁煞人

五人墓

生不識忠義字死不識忠義名不平之事乃至此五人  
者死今猶生緹騎來緹騎來姑蘇市畫不開逆闕門前  
馬如狗奮拳一呼緹騎走惜哉崔田輩不落五人手

七月一日同黃心盦

承增

倪米樓

稻孫

朱閑泉蔣蔣

村山塘訪秋

白公隄畔柳絲柔十二紅闌隱畫樓纔到吳鄉聽吳語

泥人新夢入新秋

綠酒紅鐙映碧紗  
水晶簾外又琵琶  
匆匆轉過橋西去  
一角青山兩岸花

十年舊夢憶江南  
此日憑闌酒正酣  
輸與吳中添故事

秋光一抹寫雲藍

余與閑泉俱作圖紀之

夜登虎邱

虎氣不復騰高躡  
怪石醜劒氣不復寒  
珠光迸星斗  
陂池劃寒碧  
深林積昏黝  
幽宮閔千年  
定有山靈守  
松顛秋雨滴  
石面古苔厚  
西風誰早覺  
眞孃墓前柳

七夕同人集山影樓分韻得鈞字

短簿祠前月一鈞  
客星無賴犯牽牛  
應將漢上題襟集

并作吳宮暮雨愁四座琴尊容我輩五湖烟水有扁舟  
明朝一別垂虹路難忘金閭舊酒樓

山塘口占

停橈背斜陽塔影立湖口歸路問船孃鐙船入城否

東黃心盦學博卽和滄來太守新秋夜坐木蘭堂  
見懷韻并以誌別

艤舟一相訪官閣曉生涼我輩容疎放先生有俠腸吟  
情遲鄧尉時米樓招遊西山不果往秋思渺滄浪杯酒同今夕匆匆又

倣裝

詩得江山助涪翁老更閒不辭公府辟來看洞庭山別  
館留賓徹漁竿引夢還梅花知有約遲爾叩松關

泊舟萬年橋米樓伯治走送別後却寄

小泊鱖蝦入市橋拍隄烟水漲痕消晚涼時候胥門外  
一點疎星上麗譙

山塘燈火橫塘月兒女閒情狎客詩秋老吳官采香歇  
枉教木石變吳兒

聞說蘇州柳最多柔條無復舊婆婆離情祇挂江南樹  
腸斷吳歛喚奈何

洞庭三萬六千頃極目行雲與斷雲昨夜西風今夜雨  
烟波淼淼最思君

橫塘夜泊遲陳曼生同年

鴻壽

魚雲曳長河秋烟澹遙浦一髮楞伽山修容寫眉嫵蘸

涼露葉翻穿衣水螢聚清磬忽飛來孤夢落何許却隨  
漁火往鳴榔月方午月白湖氣深風多水程阻同遊遲  
宿諾秋心觸羈旅野水浩漫漫寒蛩亂如雨

舟中望太湖諸山東邵夢餘明府

十日江南住不踏江南山今宵打鼓發船去舵樓滿載  
青山還金閶亭邊日欲暮綠楊蕭蕭又前渡船頭跛脚  
船尾看櫂入湖烟最深處順風張帆帆影疾老魚吹鏜  
浪中沒白雲脫落雙鬟青七十二峰挂明月具區東來  
五萬頃倒插芙蓉秋色冷菰蘆搖搖不見人歷亂繁星  
浸波影離人如轉蓬離思逐秋風風吹暗潮長已指海  
門東莫釐峰高高入雲嵐翠潑衣濕不分科頭露坐促

歸夢此際高歌君不聞

登烟雨樓同殷曼卿茂才

酒舫搖搖入烟際水鳥雙雙掠船避  
秋風秋雨寒欲生蘋葉蘋花碧無次  
鐘聲一杵飛過湖湖光倒影紅浮圖  
吳儂家家湖上住只賣菱芡輸魚租  
酒人酣歌樓上頭吳孃采菱湖上洲  
菱歌聲峭隔船渡又送酒人入城去

題梁蕉屏空山獨往圖

仙人合住五雲間才着罡風墮九關  
畢竟人間少猿鶴萬峰深處一筇還

是程堂集卷第三

嘉和廣中成烈開  
雖於真州府舍

秣陵陶士立仿宋書王日華董刊

是程堂集卷第四

錢塘屠倬 孟昭

題華秋槎司馬丈北山旅舍圖

一官不達囊無錢買山未遂歸無田公今六十近七十  
踏遍南山與北山閒來時共老僧立醉倒或在梅花邊  
使君姓氏小兒識謂公住此今十年昌黎出宰山水縣  
陶公載詠歸來篇人生二者那可兼公今得此良由天  
老驥伏櫪志千里烈士暮年心不已時時對客氣吐虹  
吸盡西湖一湖水平生讀律尤讀書共說愛民如愛士  
當時瀕海肆鯨鯢公獨長呼擲杯起樓船不動白日高  
二十健兒橫跨刀飛書不用申大府直欲赤手擒其豪



歸來百事那可問已見蕭蕭禿雙鬢防海空成弭盜書  
權權爭鈔鹽鐵論時蒙大府動諏訪却稱頭銜充吏隱  
倬也相逢不自量次公嗜酒醒亦狂使君大笑出圖示  
乞詩不厭文辭荒率然伸紙寫長句快哉一舉宜千觴  
出門爛醉不識路但認鴨脚斜陽黃

梅史客余家累月頻伽亦時時過從杯酒之末間  
及文字作說詩圖紀之二君各有詩余亦同作  
二首

世人競文詞俗學紛多端搜奇尚新得一紙累萬言近  
亦駕唐宋遠可趨建安聲譽起當路高坐論不刊譬如  
倚門女乃效西子顰自炫五達衢見者爲逡巡我聞四

始義如四體在人口耳匪可飾面目各有真理實辭不  
華氣充言益醇有時雜莊諧悲喜皆有因倬也坐航此  
抱書日閉門古人不朽業什一曾覽觀究其不朽故意  
會言則難要當如菽水日夕供饗殮饗殮亦何好中有  
至味存顧予性拙魯未能探其源去取或有得落筆殊  
未然幸交二三子相得亦有年曝背坐檐下挑鐙話樽  
前有酒呼共酌有蟲手自捫殷勤質其疑行知尊所聞  
飽飯無一得習懶乃作病常恐歲時迫塵事日交併焉  
能逃是非畧可事觴詠傳世匪所知豈敢與時競自顧  
二子賢心悅非貌敬兩雄力相當豈獨比韓孟郭生心  
氣閑篇什出孤篋千古無不窺大雅手釐正得失忘利

祿脫畧任嘲評脩然好風骨炯若寒潭淨查生曠逸才  
健翮鍛逾勁百怪羅心胷十上猶踳躑心志切時艱文  
章稟天性橐筆掌書記才大恐不稱而我廁其間譬若  
小國鄭晉楚兩爭長敢乞城下盟有時犯其鋒屢敗冀  
一勝力竭心未降氣轍語益橫君顧不我鄙長篇惠投  
贈中間道饑寒蹉跎感時命讀之掩卷歎終且額手慶  
二君子文辭燦若珠照乘典謨究堂奧子史參緯經方  
今  
文治隆未可長憂恹渥洼充天閑泗濱貢浮磬會見髦  
士蒸天章耀魁柄勉哉飾其躬上報  
天子聖

哭徵君朱青湖先生

杭厲不可作文獻無繇徵先生起衰墜後學庶有承高  
隱聖湖曲苦謝當世名白髮際

三朝詠歌紀昇平始讀先生詩中夜一再興琅琅誦不  
已隔院童僕憎十八從公游再拜肅冠纓袖書陳座右  
屏立未敢聲公不謂愚魯教以所不能稍稍別雅鄭如  
醉始得醒二子今軾轍游藝各有成頗能讀父書雅望  
吾鄙傾今年秋七月稅駕闔閭城季也走相約襆被偕  
我行淹留止旬日水宿無數程頗聞切懷想敦促書屢  
經比歸復無語離腸若牽繩不謂纔幾日永別隔死生  
公年開八十耳目尚聰明雜文近搜輯細字手自謄

舊著南宋宮殿考吳越古蹟考武林耆舊錄各數十卷燬于火近復補輯未成而歿客來呼酒饌痛飲猶十觥議論及文字不惜口舌爭此翁猶矍鑠見者迭嗟矜謂當享期頤何遽莫兩楹昨日陳遵來謂白雲先生歡喜倒屣迎一揖未及半嗒喪隨委形倬時在旁立呼之已不應狂奔集子婦痛哭雜戶庭人生各有死所貴沒世稱公德在鄉里公名動公卿前年

詔郡國徵辟到耆英而公筮肥遯不儕賢俊登悠悠諸生籍卓卓千載評蕭蕭厲晨風翩翩揚素旌未解造物意乃使聞者驚私心亦胡然擲筆涕泗零

### 壘石

壘石一丈山不高浚池一尺水不深豈有神物致雲雨

但將微尚規山林蓬頭奴子赤脚婢汲泉灌花力能任  
客來懶惰弗走報搖筆縮頭學我吟竹間青鳥忽飛下  
十十五五來相尋魴魚跳波出池面寸鱗不足膏金鰲  
人生作達懼衰老十年種樹看成陰懷居坐令古人恥  
遐哉動我江湖心

冬暖行

窮冬短景飛陽烏照人顏面汗如酥南園早梅花亂發  
游蜂薨薨蝶蠕蠕短簷窮民快鼃飽上脫絮帽下無裾  
傲傲醉舞踏街市中有老人嗟歎吁閉藏不密陽氣洩  
奮雷起蟄陰慘舒原田句芒已畢達一冬雨雪三日無  
二氣升降有錯迓來年只恐戕春蘇不見丙辰正月雪

老樹凍煞千百株

種榆仙館圖爲陳曼生同年作

紅牆一道銀河斜中有仙人名玉華自攜鴉觜劇雲母  
天上四月飛榆花碧陰滿地弄秋影芝房一半遮輕紗  
道人讀書住河渚幾見酒伴來銀槎昨宵玉符下東井  
綠腸文字聽宣麻卿今去撰荔支譜匹如句漏尋丹砂  
時將出仙衣一領五銖重門前早已迴雲車  
嶺南花落報道先生放早衙

同郭頻迦

潘

紅茶

恭辰

許青士

乃濟

吳兼山

靈隱至韜光

鷲峰不飛飛白雲鐘聲不聞聞水聲隔湖但見曉烟白

到寺已有梅花迎山中老僧不世情拄杖導我溪邊行  
芒屨亂踏竹陰碎密篴倒引山泉清松根盤礴迸土出  
石角嵒礪當門撐水禽狎客見應熟老猿避人呼不應  
北高峰高山氣升山頭欲雨山腰晴幽光一瞥逗深隲  
夕陽已在江邊明我不到此近一載白眼敢對青山青  
不辭蔬筍果饕腹却無好句酬山靈同遊健者吳與郭  
二子去我歸有程座中潘許更作達酒酣芒角胸中生  
嚴冬坐苦白日短客寒又覺衣裘輕朔風撲面不歸去  
愁聽車馬喧重城

萬峰山房訪顛公不值

野雲穿破屋瘦竹倚頑疆孤塔立當面亂峰青過牆顛



公吾未見吟侶到何妨花雨紛紛落蒼苔一徑荒

庵外有花

雨續  
紛石

### 游萊園二首同許菊船玉年昆季潘紅茶

結廬偏近市負郭亦成村落葉鴉翻樹斜陽犬臥門草  
枯經雪暖水淺帶沙渾未覺晴來久寒雲屋角屯  
門巷阻幽竹梅花香四鄰水雲能送客魚鳥不知貧與  
爾寒蘿薜何須問主賓方塘環十畝還許共垂綸

### 題頻迦靈芬館圖四首時方移居魏塘

墊巾爭識郭林宗却走天涯似轉蓬聞說年來倦行役  
全家移住鶴湖東

本來家具少於車不爲移居賦卜居尚有隨身竿木在

爲君添寫入神廬

頻迦先有神廬圖竿木庵則近來錢塘所署行館名也

阻風中酒過年年纔得空山縛一椽  
眼底青山篋中畫不從人乞買山錢

蓬頭尚無王霸子赤脚惟有玉川奴  
雪中歸去閉門臥憐爾如今成老夫

### 孫華海月湖琴舫圖

日落湖氣收羣峰不知夕是月是水光併作一湖白  
離荻花秋影寒橫琴在船月在灘水風迸入七絃上  
秋聲只在空明間推篷仰看天如筭北斗闌干露華濕橫  
江孤鶴正東來兩岸寒螿雨聲急

### 祝花辭爲華海作

湘簾委地春陰重香霧沈沈朵雲捧樓頭高樹藏乳鴉  
十丈花枝峭寒擁遊絲如烟柳絲弱雛鶯無聲蹴花落  
綠肥紅瘦嬌可憐一枕梨雲夢難著一年芳信春無多  
花魂不定如花何玉階悄立碧窗曉綠酒盈盈祝花好  
題趙雲門花影樓二絕句

橫陳剛好第三枝惱煞輕陰又雨絲縱遣夕陽能寫影  
曲闌相倚不多時  
碧紗虛掩一重重照不分明蠟炬紅却把湘簾都上了  
讓他明月坐當中

李白樓

方湛

得奇石一枚名之曰小石梁戲爲作

歌

李侯好遊亦好仙足跡未到天台山強持石梁誇示我  
我笑此石纔如拳我爲石梁歌謂較此石勝李侯却又  
笑我妄詩與石梁都不稱旁人聽之絕笑倒重說天台  
石梁好二君俱未親見來自覺壺中天地小石梁橫空  
跨天池異境豈復人能私拜石偏逢米老癖移山遂詫  
愚公奇人生耳目本寄託况以文字相嘲嬉但書此語  
贈此石呼以石梁石不辭

短歌四章贈吳

嫌

湖風催人雙槳急四座離憂晚來集相逢不耻話顛顚  
交結何須問車笠江南吳生面白晳二十纔過未三十  
風塵顏面老不辭已復鬢鬢鬚兩頰青絲玉壺爲誰挈

竟來西湖理游楫也知梁肉在朱門但載文章滿行篋  
酒酣耳熱試一歌舉手問君君不答

被君芙蓉薜荔之鮮衣進君葡萄鬱金之美酒達人幻  
眇酒人誕那不逢君笑開口乾坤瀕洞日輪速巴蜀歸  
來昔顏醜求田問舍百不知得失雞蟲爾何有舉頭問  
乾鵲乾鵲啞啞聲不長北風橫厲羽毛薄誰識兜鍪馬  
上郎

君不見頭白烏繞屋啾啾訴辛苦又不見一歲挑放牧  
歸來踞飲乳憐君父死爲國殤莽莽黃沙掩塵土驚風  
吹汝魂吹落紅厓前提抱出干戈黃口依人憐花裙蠻  
奴晝攫食此時欲歸歸未得竄身荒箐噩夢驚殺魄在

天猶殺賊嗚呼上天豈不鑒忠誠努力馳驅報

王國

君昔登泰嶽顛又南下牂牁道雄山岌嶭歸掌握顧我  
時時吐懷抱廿年已走一萬里坎坎坷那不令人老卑官  
猶是滯頭銜臣朔何由得一飽君不見北山張虞羅南  
山足梁稻丈夫肯受兒女憐况我與君皆少年

送頻迦還魏塘

如此嚴寒醉莫辭一船風雪送行詩狂原無奈悲歌裏  
貧最難堪餓歲時劉寵一錢分未得林宗隔宿去嫌遲  
愁心寄與刀環月除却梅花少婦知

送兼山還虞山

風塵刺促上離筵滿耳秦聲話九邊金盡不妨仍結客  
時清未可說歸田無多同調偏嗟別便約看花已隔年  
更憶琵琶查八十蹇驢歸去又江天

小除前一日與友人夜飲有懷方鐵珊廷瑚留節  
署未歸

北窗苦畏風雪凌几榻就日移南榮瓦溝殘雪連夜凍  
差喜夕陽能作晴家人歡呼作時節忽驚徂歲何崢嶸  
里中故人居強半招邀或借銷寒名人生良會常苦少  
酒悲併作離愁生不辭酣飲卜長夜坐覺我小都稱兄  
酒星搖搖挂中庭當筵滿酌屠蘇觥紅鑪燒成爆竹響  
小詩吟出秋蟲聲此時苦憶方三拜桐谿百里歸未能

想見郗超幕中臥紙窗亂攪風中鐙詩成便合持送似  
招來同醉折脚鐙吾家餞歲無長物梅花插滿雙銅瓶

冬夜

天涯相望少飛翰作客無膠歲易殘委巷衝泥雙屐響  
小樓呼酒一鐙寒山田幾稜收租薄布被終宵穩睡難  
倒篋莫嫌無長物編年詩待故人看

哭奚徵君鐵生三首

腹痛驅車忍再過冬華庵冷舊烟蘿故人短夢圓今夕  
先生歿之後二日卽見夢于曉丈澹珍幾輩窮交等逝波病後殘詩題畫少生  
前老淚哭兒多寂寥門戶誰撐拄酹酒西風喚奈何

方壺

蘭士丈

子久

小松司馬

風流渺心折南奚尚主盟末座記



會呼小友

屈指先生故交  
惟余年最弱

寢門今又哭先生苦辭徵辟非

逃世但坐清狂不損名潑墨雲山留一幀辦香誰嗣李

長蘅

幽贊韋絃託後生古人死益見交情每從酒後披肝膈

爭向人前說姓名風雪窮檐無過客文章垂老足公評

卅年詩卷挑鐙讀吟到秋蛩總不平

冬華庵稿舊燬于火先生疾革時搜錄殘編見

付刪

### 元夕感舊

深院嗷嘈雜管絃燭花低趁舞衣偏良宵正好月三五

美酒何辭斗卞千舊事曹騰新醉裏薄寒料理早春前

圍鑪添炷溫磨火同翦春鐙憶隔年

同華秋槎丈郭頻伽查梅史潘紅茶范小湖集湖舫分得船字時頻伽將之揚州

乳燕雛鶯又一年扶頭相約醉花前故人小別紛如雨春水方生已拍天  
筍長貓頭應上市酒呼釭面不論錢去程約畧揚州路時節匆匆過禁烟

前詩成失押船字再作一首

莫更離愁話酒邊討春未肯讓春先天教小雨留三日人共斜陽載一船  
山霧忽開花獨笑水風低拂柳初眠江湖舊夢評量著便卸征衣亦惘然

題吳槎客丈

騫

齊雲採藥圖

先生著書桐溪旁欲起廢疾鍼膏肓桐花垂垂桐乳白

門前江水迴漁榔天都之水遶白屋奔流千里趨錢塘  
錢塘東下不百里結廬有客臨滄浪考證漢志校酈注  
譬如潁上思歐陽君家故事賦采藥大布山下非故鄉  
豈如枌榆覓舊社翩然老鶴雲中翔行年七十尚鬪健  
但看衰鬢回青蒼蓮花一朵落我手下視雲海青茫茫  
烟苗何長露苗短水花能白山花黃不知何者是靈藥  
却聽陽嶠茶歌忙茶兒茶女解欸客坐看飛瀑驅浮梁  
扁舟四月返於越圖成未敢呼長桑叩門訪我不相值  
隔年尚乏新詩償查髯歸去定相見更無一紙遠寄將  
何當共踏桐溪路索取先生新酒嘗

酬袁蘇亭別駕

文煥

卽送還滇南

婆留江上訂詩盟一劒乾坤總不平驚世共推袁彥道  
論交誰是趙邠卿一官簿領諸侯客二月鶯花萬里程  
草草相逢還別去青山啼煞子規聲

同施辛蘿應心

入西山白衲庵訪蔣村時查丙塘

朱閑泉周冲泉范小湖先一日至夜半酒酣聽  
丙塘冲泉彈琴與諸君賦詩信宿而去三首

路絕松竹交雲橫寺門隘衆峰環一隄急澗分兩派僕  
夫迷來踪曲折轉山背忽聽遠鐘響不出一山外道左  
逢老僧送客入堂內闔戶喧衆賓相見各稱快衣許韓  
子留酒破遠公戒雜坐忘醉醒雅謔恍神怪范生頭濡  
墨春蚓四壁疥囑僧好護持勿使風雨壞

一鐙明孤龕虛堂納羣影白雲引諸峰漸吐華月迴橫  
琴拂衫袖演漾天水永未解指上音且向絃外領風雨  
颯欲來喧寂一已屏汨汨細草間但覺流水冷曲半思  
逾悄坐久酒亦醒倚柱童僕頽側耳意未省

峩峩石筍峰矗立十丈強正當寺樓北相距隔一牆雲  
木四圍擁却步不得望穿籬帽屢側觸石苔未妨欹壁  
聳虛構積氣團陰房石丈獨中立不倚亦不僵活流纏  
其足洗此石髮蒼自能離衆垢何惜深閉藏

清明後一日青士招同人皋亭山看花分韻得所  
字

五更牀頭聽急雨曉起當門喚柔艣橫河橋邊新漲濶

却望皋亭一城阻吳生

兼山

昨自江南來不作離愁作豪

語邀頭大好排日醉已惜韶光過百五綠波汙汙遶東

郭短草茸茸藉平楚主人招客花亦笑不用船頭打腰

鼓沿山十里五里長壓帽三枝兩枝俯黃蜂趁人不飛

遠翠坼紅舒影交午眼前節物櫻筍美樹雞桑鶯那足

數老羌自笑渴欲死有酒如澠百觥舉極知此日足可

惜却喜一春天付與踏青湖隄况舊例未減豪情力須

努卽如諸酒人良會亦不偶

叶

陳生

曼生

與查髯

梅史各已

羈幕府胡侯

農書

將遠行昨日已別我

叶

潘郎近欲適表

浦

紅茶

翻抱微疴不出戶參軍

青荃

判事暫得閒挂笏看山

腰曳

組座中誰更相見遲廣文諸君

秋及汪

選樓

許

雙南

花如故人不肯留人似白鷗無定所或舊相識或新交  
知誰是客誰是主趙君門故善哭感此膺屢拊匆匆別  
語且勿陳餘勇當前尚堪賈羅諸少年鬪酒兵一斛春  
愁萬花舞此時重城已下鑰踏踏馬蹏翻濕土是夕艮山  
水門已開

與諸君舍  
舟入城

歸途醉倒那得知笑煞攔街小兒女

吳山道院餞別劉芙初孝廉嗣維之揚州

吳山曉矗雲際寺客夢夜墮江南春高樓置酒重惜別  
扁舟已候之江濱此時雨歇聞門柳對面日出孤山雲  
山光雲影落酒盞半酣已作無懷民此鄉君到凡幾度  
湖山難別況故人舊遊歷歷都省記翻憐老作諸侯賓  
于今詞伯南豐曾謂都轉賓  
谷先生一顧冀北能空羣題襟邛上

主風雅文章有神先識君君行匆匆留不得落花漫天  
逐行跡俶裝明發西泠西把酒今朝夕陽夕平生知交  
憐我真天涯會合當誰惜下山莫漫徒步歸且聽當筵  
歌偏側

山中寄題張叔未解元

廷濟

新篁里

三月穀雨春筍肥山中故人相見稀牆頭不住鶉鴒叫  
花外一雙蝴蝶飛高庵近山不近水有竹蕭蕭亦無幾  
去年君來阜方虐今年雨多乾不死不知君住長水邊  
新竹一年添幾竿震雷驚起籜龍蟄鸞尾碧蘸湖波寒  
草堂書閒門不閉十畝琅玕少租稅不教奴子徑邊刪  
留與鄰翁日中賣故人相思暮復朝書來貽我金錯刀



去年蒙屬惠書并寄劉莽  
雨泉母拓本至今未報

每思作答無一字日日坐看新竹高  
軍中十萬須臥治三日貓頭大於臂東鄰嘈嘈壓酒香  
那得與君同日醉寄君此詩還祝君眼前戢戢皆兒孫  
齋廚便少花豬肉肥瘦於今安足論

春怨二首和宋秀才

每

綠陰如水不能消小院悵悵鎖寂寥容易黃昏容易醉  
一春彈淚過花朝  
沈水香溫酒未寒柳梢初褪絮成團東風吹過黃梅雨  
也似儂心一味酸

四月一日同宋仲海秀才劉世眉沈與齋兩公子  
葉未齋別駕遊南山二首卽贈諸君

萬里歸來各少年舊遊根觸話尊前  
灘江春老蠻花紫麻峽屯空夜月圓  
相見何須搔鬢髮得歸況已靖烽烟  
晨朝岸幘南山去料得諸公笑墮鞭

萍蓬蹤跡豈無因對榻僧房已浹旬  
曉霧初收月額雨好花才過上頭春  
淙淙澗水響深谷踏踏馬蹏翻後塵  
恰喜題名山寺壁相看都是故鄉人

寄范小湖萬峰山房

一更月出山寺明二更月白山氣清  
三更斗轉雞亂叫問君此時睡未能  
山中夜寒嵐氣惡白雲穿窗如紙薄  
一鐙升降風亂搖知君此時睡難著  
我居高庵隔一城君居南山襍被輕  
明朝更擬就君飲只恐打門僮僕憎

紀潦和白雲先生二首

鳬鴨驕人自喚雛拍天春漲遍三吳難將方罫分畦畛  
大有愁腸轉鹿盧接浙饑民方閉糶打門胥吏又持符  
何當一賦空城雀太息疲氓未盡蘇

百年鄉曲未忘情忍向窮檐問死生滿眼桑麻沈漏谷  
及時鰕菜斷荒城晨炊未熟呼鄰舍筋力終衰歎老成  
強自腰鎌出門去怕聽鳩婦勃谿聲

大中丞阮雲臺先生建白文公祠於孤山蘇公祠  
之左以五月八日落成同人酌酒祠下卽席呈  
中丞

七百年後留去思水仙秋菊蘇公祠蘇公出處似白傳

往往夢寐形諸詩穆宗長慶迄寶厯錢湖碑負鱗之而  
老於劉郎及崔相當年已有同干支中丞墮地乃同日  
甲辰未可分雄雌況來節鉞統諸郡不須州宅誇微之  
石函橋影夾明鏡濺濺流水魚君陂迎神有曲自儋耳  
銅琶鐵板相酣嬉醉吟先生顧寂寞小蠻瘦盡風中枝  
庭堅忽諸蓋可歎廉泉一洗雲生栢洛陽那問履道宅  
繫馬有客懷分司長公長帽定相笑比鄰詎比爭墩爲  
室三水五竹九一彷彿買斷雙驂時年年一盞藍尾酒  
商玲瓏唱餘杭詞

西齋歌爲李

堂

作兼懷朱五

王

西齋子抱書讀不休不耕亦不仕科頭日坐西齋裏盞

中有酒獨無米西齋不言口先哆搖筆只作西齋詩稚  
子牽衣婦塞耳西齋子佳城西與我相去不三里思之  
不見常依依昨日聞君叩柴扉雨淋衣袖足沾泥手持  
素冊乞我畫不畫西齋茅屋壞要畫詩人立門內門內  
何所有茶竈兼藥碓森森鴨脚比屋高好把詩瓢樹頭  
挂我作西齋圖還作西齋歌西齋苦貧奈爾何不如長  
安市上騎蹇羸賣文可得十日飲一醉已足降詩魔不  
見今年朱五入都去飢寒那免妻兒訶

七月一日夜半不成寐有懷范大臥疾萬峰山房  
并招爰大來山中

西風今夕涼氣早吹動竹枝青娟娟長河絡角衆星濕

秋蟲撲窗一鎧小此時獨坐短檐下念子臥病善自保  
甫看山色得清淨又被名心成執惱夜深風露須襍被  
早起讀書喫飯飽古人治疾如治盜知君幸無六鑿擾  
近聞及郎頗力學那不時來寫懷抱詩成更遣持送似  
有酒須君一傾倒

遣興

忽驚秋思晚來添橡實無風自打檐欲盡花開宜緩緩  
未留鬚茁已鬢鬢兼書淫入骨終違俗山氣侵肌怕病疴  
聞說湖田纔補種莫教秋雨稻根淹

吳丈槎客自製一舟往來湖上舊有詩云十二橋  
南烟舍第三灣口漁翁青箬綠蓑歸去桃花細

雨東風奚丈鐵生爲作細雨東風圖槎翁卽以  
榜其舟蓋已卅有三年矣今年五月與槎翁茗  
話舟次見索題句越兩月秋日作四絕奉寄

八十頭顱稱老夫船頭不要小紅扶風流却似元真子  
來往烟波作釣徒

最宜無雨不晴天洞口桃花一繫船我却重來迷處所

短篷移泊藕花邊

無雨不晴天先生  
無雨不晴天先生

桃花已過藕花開便出修門放棹回那得重呼老鐵起  
同攜鐵篴上船來

曾邀幾度高軒過愧我匆匆杯酒疎可惜柴門不臨水  
先生來訪要籃輿

送許菊船刺史之官廣西

除書新拜去蠻荒赤脚花鬢舞郡堂桂嶺千峰迎五馬  
秋風八月渡三湘無妨宦跡傳炎海未免離情動故鄉  
陸賈輕裝歸幾日菊船曾辛粵東相思江上鎮相望

送潘紅茶太史入都

宦遊不似薄遊難祖席清歌酒未闌自有

賜錢充食本未須鄉夢引漁竿鈞天已許人間聽

時紅茶詩集刊

成故借用李義山寄令狐學士語

法酒能消蘇老寒尺五城南韋曲近卿雲

相望是長安

送汪藕塘孝廉攜眷入都

摩天黃鵠遠銜雌豔體新裁幼婦辭塞北胭脂山正好



春明楊柳夢先知拜書顧悌趨庭急作壻蕭咸改郡遲  
莫便匆匆催打槳離人最怕夕陽時

過遶門山風利不得泊

放舟絕壁下風利帆不停頰首牽纜索忽失前山青危  
厓亘百丈陡削如堅城正當南北衝逆受風濤爭遠山  
若昂首近山如曲肱直下根虛無鉤結梯幾層樵子緣  
背升履險如履平松枝束成把擲下鏗有聲秋深木葉  
脫巖腹軒豁呈佑舶對面呼山合谷口磨居人見已慣  
遊子心屢驚會當放險筆棧齟不可名

泗水亭卽目

孤亭環泗水百里滙三江市遠人多聚城高塔見雙敗

荷欹側蓋老柏活空腔已見湖田熟豐年說海邦

小檀藥室與宋秀才

成勳夜話

舊遊重與話南皮北宋文章有宋祁千里還家猶作客  
一春無酒亦耽詩空山寂歷求名淡官閣從容問絹遲  
南望沅湘波淼淼翦鐙愁對夜關時

九日曼生招集吳山登高同頻伽韻兼懷諸友人  
百年此會剛重九千里懷人各一方木落亭皋催旅雁  
江空樓閣倚斜陽且拌酒戶分中下豈有詩篇接混茫  
却笑登臨翻百感諸君容得次公狂

送座師少宰文公還朝二首

魁斗光寒映

玉除紫微清禁奉

宸居自隨閣使趨蘭省未要門生侍筭輿風月今宵徐  
吏部杏花早歲宋尚書審官東院應相憶燒尾猶留舊  
澤魚

飛鞚無由駐節旌角聲吹作廣陵濤珠囊文字傳三館  
玉尺威稜領六曹節物生徒方議蟹河梁別字又題糕  
春明塵土東華路慚媿公門一背毛

錢清夜泊

兩槳烏篷似缺瓜江天淼淼泊蘆花鷺鷥未必閒於我  
雲水何妨即是家客裏西風吹鬢早夜分明月上船斜  
難忘布襪青鞵願料理谿邊舊釣車

登九峰寺題壁二首同沈七孝廉

團茅闢山頂一曲一峰高陰竇積寒雪亂松奔怒濤路  
生樵子熟人逸笋興勞莫笑山門窄危厓結構牢  
落葉衆山響秋聲雲外多故人能命酒絕頂一高歌僧  
侶雜麋鹿洞門緣薜蘿梅花深雪裏還約此重過

得閑泉書却寄兼懷都下諸故人二首

少年輕四方動足卽萬里中年倦游歷輒又念桑梓人  
生榮與辱動自出門始憂患迭相干得譽詎償毀人間  
浪游子菟璫雜衆技知君寡諧俗那不增噓唏故人半  
在途時晴巖諸君方入都君復近何似孤雲亦羣遊相見應色喜情  
深念遠別書到忻累紙何以還報君兼告二三子

黃金笑貧士相避風馬牛退之結柳車送窮翻百憂寒  
餓豈有骨命與文字讐貨畚與磨鏡要自達者流吾徒  
輕駟僮所至橐筆遊俚俚出門走不具楫與舟自挾所  
爲文寶之重琳球問客何所能此餘則不蠟兒列鼎  
食學子無完裘彼長我所短于人將何尤

訪陳二梅別駕不值留此詩卽呈令兄二雲明府

### 次雲少府

渡江三日雨未歇客居閉門常促膝酒徒招呼不敢出  
笑我渾如禪中蟲城中余老作地主時主余吳山孝廉家比鄰更與  
陳侯密急思出門還復止着屐衝泥道途滑曉來呼僕  
起看天報說疎林落殘月匆匆走訪復不遇愁劇望君

雙眼渴阿兄只欲苦死留謂我春釭酒花凸同儕有事  
促早歸那得待君留十日聞君近作維揚遊匝月歸期  
恐難必千金手擲腰纏空只怕書生總寒乞青山無情  
不留客用元遺山句君在江南我於越故人例作故鄉看一紙  
留君待君發

送積堂之明州時余將入都積堂明歲復有粵東  
之役鄭重言離得詩四首

勿謂尊酒薄得與故人傾歌哭俱在酒重之以平生酒  
不能洗愁酒亦能寫情況與故人別酌酒心屢驚天寒  
海氛惡風起黃茅腥聞子所客舍瀕海不入城此別固  
匪遠念余將北行誰其遞消息孤雁寒無聲

我昨東渡江往返期十日君爲甬上行孤櫂亦將發是  
夕君就我離緒話促膝爲恐歲晏歸而我已北轍北行  
有程期離合轉飄忽我卽明歲還君又南入粵珠江瘴  
霧深燕山北風烈握手在須臾鄭重那能說

嗟余諸故人各已四方走子於故人中乃獨稱小友曩  
居清平山浩氣期不朽江潮薄城根夜半輒呼酒去秋  
我還家子亦歸娶婦食貧未卒歲饑驅誰則咎男兒要  
作健未遂常不偶却笑王章倉牛衣何汝負

襴生入洛時意氣凌諸賢我病正坐此于君復何愆不  
能爲阜方竊又惡卿圓近亦自裁損輒熟更不便要當  
後未可乘人先衆女謠詠多椎髻烏足妍況今墮

人海如驥始著鞭康途試一蹶辱與終身緣爲君貢其  
愚亦以自砭焉

述古五首

蒿目矚時艱勞生役衣飯讀書積萬卷得失不盈寸鉛  
刀有時利于將有時鈍身命不得齊和璞羞自獻戰國  
縱橫家挾術操左券賢豪兩相傾智力亦交困遐哉商  
山翁勿爲濁世溷

賢愚等爲死要使萬古名名成任激烈亦復鴻毛輕驅  
車邯鄲道壯心詎得平咄咄夷門監睥睨非人情秦兵  
朝合圍信陵夕請行兵符竊臥內其事乃倖成還顧大  
梁墟悲風蒿萊生



盛名弗自掩衆忌乃中之盛氣弗自抑一蹶那得知矯  
矯東都士網羅同日罹性剛物先折機發禍已隨觀過  
雖知仁明哲亦見譏

阿衡乃興商由余亦霸秦夷吾堂阜囚威公勿敢臣烈  
士抱微尚出處安可論楚漢一反手乃出胯下人蒼鷹  
本鷲鳥勁翮搏秋旻春風化爲鳩棲遲託荆榛昔爲衆  
鳥畏今爲衆鳥噓顛顛畎畝間澤物先保身

朝爲魏其客夕爲武安賓不如處堂燕猶識舊主人東  
家屋上茅飄落隨路塵一朝風雨集仰屋徒悲辛

### 江上夜行

旅雁秋空叫夜殘平沙東接海亶寬自呼野艇乘潮上

好放中流濯足看塔影倒翻江水黑  
星芒迸落酒杯寒  
故園纔到還成別漸覺中年作客難

臨浦道中二絕

疎林已放朝陽出古寺猶藏宿霧中  
昨夜寒潮知未落  
舵樓一拍水天空

江邊獨厭市聲雜沙上來尋鷗鷺羣  
却與鄉人閒話久  
今年烏桕只三分

山陰草堂卽興二首

曲港通梅市羣山走鑑湖  
童年三尺短老樹半邊枯  
野店逢人少炊烟近水無  
不知風雨急雙槳掠菰蒲

孤村枷板急落日亂山低  
晚飯先邀客園蔬不帶泥  
小

童初放學健僕漫扶犁却愛鄉音熟比鄰共一溪

同沈筠虛范小湖鷺峰寺三首

曲徑三叉過嶺分山中樵子自爲羣危橋巖岸往來熟  
趁曉一肩挑白雲

路猶未遠畏聲確人不宜多只二三隨意看雲兼看竹  
不分山北與山南  
老僧相見問如何草草殘年有客過落葉滿山燒未盡  
今年風雪不嫌多

游蘭亭四首

羣公多放達兩晉自風流禊事空陳迹蒼生未解憂欲  
尋殘碣讀却憶暮春遊祇我後來者青山相對愁

山意與人近客愁隨路深  
亂鐘蕭寺晚殘照一峰沈  
繫馬荒亭外銜杯修竹林  
故山容易別急景已駸駸  
橋古猶名謝村稀少姓  
王人情重到熟風土近  
來康曲水常通筏平原  
罷築場溪邊老梅樹臘  
早漸聞香小住纔三日  
衝寒又出山勞人真草  
草桑者自閑閑雪意宵  
來白離顏醉後殷歸途  
太匆遽却笑僕夫頑

### 留別故園諸兄弟

入洛機雲氣自豪

時將與流山兄同赴公車

功名未卜呂虔刀弟兄落

落難爲別僕御匆匆敢告勞  
夾道松篁聯騎入滿天風  
雪四山高棄繻我亦誇年少  
短髮尊前莫漫搔

### 自櫛概入山陰

歸路蒼茫又不同寒林已帶夕陽紅忽看飛鳥浮雲盡  
始覺千巖萬壑通雨氣漸沈山氣外竹聲都在水聲中  
今朝翻怪仙人誤未是朝南暮北風

寇白門小影爲李白樓題

侯家記曲總蹉跎開閣歸來奈爾何不及滎陽生好事  
沈香供奉一生過

同入奚官姊妹行夜深羞過大功坊

用梅村贈寇詩

梅村老去傷

遲暮一樣飄零話娉娘

石城西畔柳絲絲尚似秦淮夜舞時誰分倉黃南渡日  
江南重見李師師

幽棲

江山清氣入書帷  
幾點疎花掩竹籬  
猿鶴不知秋士怨  
峰巒故作夏雲奇  
直尋柱尺憑誰較  
雌伏雄飛祇自疑  
如此幽棲合終老  
行藏那更問著龜

是程堂集卷第四

嘉慶中歲秋開  
雕於真州府舍

秣陵陶士立仿宋書王日華董刊